



Sezzüda d'infuormaziun e d'orientaziun cun las Ouvras Electricas d'Engiadina SA

La suprastanza cumünala es gnüda insembel culs commembers da la direcziun da las OEE SA ad üna sezzüda d'infuormaziun. I s'ha orientà vicendaivelmaing e barattà infuormaziuns sur da differents progets passats, actuals e futurs.

Premi d'energia 2021

Cuntschaintamaing ha guadagnà il Cumün da Zernez il ZÜRICH KLIMAPREIS dotà cun 10'000 chf. La cumischiun ZE2020 ha cusglià in chosa e decis da premiar minch'on a quel petent resp. patrun da fabrica il qual vain sustgnü our dal fondo ZE2020 e chi raggiundscha ils plü blers puncts tenor reglamaint cun ün import da 1'000 chf. Il premi gnarà surdat a la vendschadra in occasiun da la radunanza cumünala dals 25 mai 2022.

EW Zernez - Brailtunnel I e II - attach electric da fabrica – decisiun da proget e da submittents

Il proget d'attach electric per l'attach electric da fabrica pel proget da sanaziun dals tunnels da la Viafier Retica Brailtunnel I e Brailtunnel II va in üna prosma fasa. La submissiun per la furniziun e'l trar aint ils cabels ha da gnir iniziada. La suprastanza cumünala ha dat glüm verda al proseguimaint dal proget e sancziunà la glista dals submittents.

Radunanza cumünala - tractandas provisoricas dals 25 mai 2022

La glista da tractandas provisorica per la radunanza cumünala dals 25 mai 2022 es gnüda approvada. A quista radunanza vain preschantà principalmaing il rendaquint 2021.

Rendaquint 2021 – 1. lectüra

Las instanzas cumünalas sun repassadas il rendaquint 2021. Il rendaquint es gnü approvà a favur da la revisiun da quint tras il büro Lischana fiduziari SA a Scuol ed a man da la cumischiun sindicatoria. l' l mais mai vain il rendaquint approvà e rinvià a man da la radunanza cumünala dals 25 mai 2022.